

Lotto ta felicita Sophia Petrocchi cu su medaya di Brons Panamericano di Judo Cadet

ORANJESTAD - Ya pa tres siman un delegacion di Judo ta den exterior unda nan a combina un campo di entrenamiento na Chile hunto cu e seleccion nacional como tambe atende dos campeonato grandi cual tabata e mundial di Cadet Judo na Chile y e Panamericano di Judo Cadet na Ecuador.

Un di e atletanan di Aruba cu e destaca den e Panamericano di Cadet ta Sophia Petrocchi. E atleta Petrocchi ta logra un medaya di Brons pa Aruba den e Panamericano di Judo y esaki ta e prome medaya Panamericano pa Aruba den Judo Cadet.

Mester bisa cu Sophia su



prome pelea tabata contra e e despues campeon Panamericano cu tabata den su poule unda e la cay venci, pero despues Sophia a bay repechage y ta recupera y gana su dos siguiente peleanan pa punto maximo esta Ippon y asina conquista e medaya di Brons pa Aruba.

E atleta Sophia Petrocchi sin duda ta un di Aruba su atletanan femenino prospecto den deporte.

E atleta di Aruba ta practica diferente deporte riba nivel halto pero e ultimo tempo a concentra su mes mas den judo. Aki algun siman e lo representa Aruba den e Weganan Sur Americano Hubenil 2017 na Santiago de Chile.